



6. juli 2026

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Naalakkersuisut nutaamik 26. Juni 2026 aalisagartassiissutinik neqeroortitsinerminni Aasianni tunitsivimmut tulaassisussaataitanermut piumasaqaataanni, aalisakkat tulaanneqartut qanoq akilerlugit tulaanneqartarnissaat isummerfiginikuuvaat?
 - a. Taamaassimappat qassi kr. killigitinneqarpat?
2. Naalakkersuisut ingerlatseqatigiiffimmut Aasiannut tulaassisusussanngortitaasumut piumasaqaatitalimmut aki pitsaanngitsoq neqeroorutigineqassagualarpat tamanna qanoq kinguneqartinneqassava aammalu qanoq Naalakkersuinikkut suliareqqinneqassava?
3. Pisassiissutiginiarneqartuni ingerlatseqatigiiffiit nutaat ullumikkut avataasiorluni aalisartuunngitsut qinnuteqarnissaat piumasarineqarpoq. Imaappa ingerlatseqatigiiffik toqqaannartumik toqqaannanngitsumillu aamma piginneqataasut nutaamik ingerlatseqatigiiffilioriarluni qinnuteqarsinnaasut?
4. Neqeroortitsinermi pisassiissutinik ingerlatseqatigiiffinnut nutaanut siammaaniarnermi piginnittut amerlasuujunissaannik piumasaqarneq qanoq paasisariaqarpa? Amerlanerusut; qassiugamik?
5. Ukioq 2024-imut, 2025-imut aammalu 2026-imut kitaata avataani aammalu tunumi avataasiorluni saarullittassiissutaasut kiisalu qaleralittassiissutaasut tamarmik qanoq isikkoqarpat?
 - a. Taakkulu selskab-inut qanoq aggulunneqarsimaneri perusunnarput.
 - b. Taakkunanilu qassi procent tulaassisussaataitanermut ilanngullugit ersarissarneqassapput. Taakkulu fabrikkenut sorlarni tulaanneqarsimanersut ilanngullugit.
6. Naalakkersuisut allamik paasissutissaateqarpat?

(Inatsisartunut ilaasortaq Erik Jensen, Siumut)

Tunngavilersuut:

Siullertut ersarissaassutigineqassaaq paragraf 37 nr. 73 apeqqut 8-mut Naalakkersuisup akissuteqaataani ersarissumik allaqqavoq Aasianni fabrikkip aarlerinartorsiornera Aalisarnermut Inatsisip pilersitarinngikkaa.

Qaammatit 16-it missaat qaangiutillartullu maanna Naalakkersuisut ulloq 26. juni 2026 avammut nalunaarutigivaat avataasiorluni qaleralittassiissutit, saarullittassiissutit kiisalu nataarnanik pisassiissutit nutaamik neqeroorusiortinneqalersut. Neqeroortitsinerlu immikkoortunut marlunnut aggulugaasumi, aappaani (udbud 2-mi) ilaatigut piumasaqaataavoq qaleralittassiissutaasut 25%-i



Aasiannut ukiuni qulini tullerni tulaassisussaatitaaffiussasut. Siumumiit Aasianni tunitsiviup tamakkiisumik kalaallinit pigineqarluni pitsaasumik aaqqiiviginissaa aammalu ammaannarnissaa pingaartilluinnarparput, taamaattorli tulaassisussaatitaanermi Naalakkersuinikkut akiluttortitsisoqannginnissaa aamma qulakkeerneqartariaqartoq isumaqarpunga. Suliffeqarfiummi kialluunniit niuernerpalaartumik ingerlatsinissaq kissaatigisarmagu.

Apeqqutigineqartut ullut suliffiusut qulit iluanni akeqquneqarput.